



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

ZAPISNIK
O RADU 34. SJEDNICE GRADSKOG VIJEĆA
GRADA SARAJEVA ODRŽANE 17.12.2019. GODINE

Sarajevo, decembar 2019. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



ZAPISNIK
O RADU 34. SJEDNICE GRADSKOG VIJEĆA GRADA SARAJEVA
ODRŽANE 17.12.2019. GODINE U VIJEĆNICI

Broj: 01-GV-02-1374/19

Datum: 17.12.2019. godine

Sjednica je počela sa radom u 10.00 sati.

Sjednicom je predsjedavao **Dr. Igor Gavrić, predsjedavajući Gradskog vijeća.**

Prisutni su bili sljedeći gradski vijećnici:

1. Prof. dr. Velija Katica
2. Mr. Vedad Deljković
3. Edina Gabela
4. Adnan Gušo
5. Mr. Srđan Simonović
6. Dr. Igor Gavrić
7. Mr. Tea Mušić
8. Sanela Holjan
9. Bajro Biber
10. Srđan Srdić
11. Adnan Talić
12. Mr. Sead Srna
13. Alma Jašarević
14. Dado Stojnić
15. Snežana Omukić
16. Lana Velić
17. Nuko Grebović
18. Miro Lazović
19. Toni Vukadin
20. Mr. Miroslav Živanović
21. Barbara Peleš Stroil
22. Samir Fazlić
23. Vedran Grebo
24. Mr. Hazim Bahtanović
25. Reuf Hafizović
26. Almedin Miladin
27. Uk Nihad
28. Nazif Osmanović

Pored gradskih vijećnika, sjednici su prisustvovali:

1. Abdulah Skaka, Gradonačelnik
1. Ivica Šarić, zamjenik Gradonačelnika
2. Safet Krajišnik, sekretar Gradskog vijeća
3. Maja Hadžihalilović, rukovodilac Stručne službe gradonačelnika Grada Sarajeva
4. Sanjin Smajlović, pravobranilac Grada Sarajeva
5. Subha Krajišnik, pomoćnik Gradonačelnika za opću upravu i zajedničke poslove
6. Amela Kolovrat, pomoćnik Gradonačelnika za finansije
7. Dragana Solaković, pomoćnik Gradonačelnika za lokalnu samoupravu i razvoj grada
8. Mila Eminović Rizvanović, pomoćnik Gradonačelnika za evropske integracije i EU fondove

9. Nedim Tvrtković, pomoćnik Gradonačelnika za urbano planiranje, investicije, stambene i komunalne poslove
10. Amina Deljković, pomoćnik Gradonačelnika za obrazovanje, kulturu, sport i mlade
11. Merima Arifhodžić, ispred Gradske službe za urbano planiranje, investicije, stambene i komunalne poslove
12. Arijana Musić, ispred Gradske službe za urbano planiranje, investicije, stambene i komunalne poslove
13. Zinaida Čengić, ispred Stručne službe Gradonačelnika
14. Senada Kočan, ispred Gradske službe za opću upravu i zajedničke poslove
15. Članovi Komisije za Statut i akte koji nisu gradski vijećnici (prema evidenciji u Gradskoj službi za Gradsko vijeće)
16. Članovi Odbora za budžet i finansije koji nisu gradski vijećnici (prema evidenciji u Gradskoj službi za Gradsko vijeće)
17. Enes Peštek, direktor JP „Olimpijski bazen Otoka“, d.o.o. Sarajevo

Sjednica je započela intoniranjem himne.

Predsjedavajući Gradskog vijeća Igor Gavrić je otvorio 34. sjednicu Gradskog vijeća Grada Sarajeva, uz konstataciju da sjednici prisustvuje 25 vijećnika, te da su gradski vijećnici Miroslav Živanović i Vedran Grebo najavili kašnjenje.

Predsjedavajući Gradskog vijeća Igor Gavrić je najavio razmatranje Zapisnika o radu 33. sjednice Gradskog vijeća održane 27.11.2019. godine.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 24 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je** Zapisnik o radu 33. sjednice Gradskog vijeća Grada Sarajeva održane 27.11.2019. godine.

Predsjedavajući Gradskog vijeća Igor Gavrić je podsjetio gradske vijećnike da je Centralna izborna komisija Bosne i Hercegovine dostavila Odluku o prestanku mandata gradske vijećnice (Mira Jurić) i dodjeli mandata novom gradskom vijećniku (Nazif Osmanović), te da je Mandatno - imunitetska komisija, pred samu sjednicu Gradskog vijeća, održala sjednicu na kojoj je utvrdila Obavještenje o prestanku mandata gradske vijećnice Mire Jurić i Informaciju o dodjeli mandata gradskom vijećniku Nazifu Osmanoviću.

Uslijedilo je polaganje svečane zakletve novog gradskog vijećnika Nazifa Osmanovića.

Zatim je najavio određivanje o aktima koji su predloženi za razmatranje u formi prijedloga po skraćenom postupku, po proceduri koja zahtjeva izjašnjavanje Gradskog vijeća o prethodnom pitanju, i to:

1. Prijedlog Izmjena i dopuna Programa rada Gradskog vijeća Grada Sarajeva za 2019. godinu
2. Prijedlog Odluke o davanju saglasnosti na Program obilježavanja 6. aprila - Dana Grada Sarajeva za 2020. godinu
3. Prijedlog Odluke o formiranju Organizacionog odbora za pripremu i realizaciju Programa obilježavanja 6. aprila - Dana Grada Sarajeva u 2020. godini

Predsjedavajući Gradskog vijeća Igora Gavrić je predložio, a gradski vijećnici prihvatili prijedlog da se o navedenim prijedlozima vodi jedinstvena rasprava, a odlučuje pojedinačno.

Na poziv **Predsjedavajućeg vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je** prijedlog da se Izmjene i dopune Programa rada Gradskog vijeća Grada Sarajeva za 2019. godinu razmatraju u formi prijedloga po skraćenom postupku.

Na poziv **Predsjedavajućeg vijeća Igora Gavrića, Gradsko vijeće Grada Sarajeva** bez rasprave, **jednoglasno**, izjasnivši se sa 25 glasova „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je** prijedlog da se Odluka o davanju saglasnosti na Program obilježavanja 6. aprila - Dana Grada Sarajeva za 2020. godinu razmatra u formi prijedloga po skraćenom postupku.

Na poziv **Predsjedavajućeg vijeća Igora Gavrića, Gradsko vijeće Grada Sarajeva** bez rasprave, **jednoglasno**, izjasnivši se sa 26 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je** prijedlog da se Odluka o formiranju Organizacionog odbora za pripremu i realizaciju Programa obilježavanja 6. aprila - Dana Grada Sarajeva u 2020. godini razmatra u formi prijedloga po skraćenom postupku.

Gradski vijećnik Toni Vukadin je predložio da se u dnevni red sjednice, pod tačkom 15., uvrsti Informacija o postupku toka javne rasprave na Nacrt Odluke o utvrđivanju datuma obilježavanja Dana osnivanja Sarajeva uz obrazloženje da je od građana Sarajeva dobio zamjerke da je u toku javne rasprave došlo do diskriminacije određenih vjerskih zajednica, te smatra da je time nanesena šteta Gradu Sarajevu.

Dodatna pojašnjenja o javnoj raspravi na Nacrt Odluke o utvrđivanju datuma obilježavanja Dana osnivanja Sarajeva dao je **Gradonačelnik Grada Sarajeva Abdulah Skaka**.

Na poziv **Predsjedavajućeg vijeća Igora Gavrića, Gradsko vijeće Grada Sarajeva**, izjasnivši se sa 12 glasova „za“, dva glasa „protiv“ i šest „suzdržanih“ glasova prisutnih gradskih vijećnika (sedam gradskih vijećnika se nije izjasnio) **nije usvojilo** prijedlog da se u dnevni red sjednice pod tačkom 15. uvrsti Informacija o postupku toka javne rasprave na Nacrt Odluke o utvrđivanju datuma obilježavanja Dana osnivanja Sarajeva.

Obzirom da je gradski vijećnik Toni Vukadin izrazio sumnju u rezultate glasanja, uslijedilo je pojedinačno glasanje.

1. Mr. Vedad Deljković - za
2. Adnan Talić - za
3. Almedin Miladin - za
4. Dado Stojnić - za
5. Alma Jašarević - za
6. Vedran Grebo - odsutan
7. Srđan Simonović - za
8. Samir Fazlić - za
9. Velija Katica - suzdržan
10. Sead Srna - za

11. Nihad Uk - za
12. Nuko Grebović - suzdržan
13. Tea Mušić - suzdržana
14. Miro Lazović - suzdržan
15. Hazim Bahtanović - suzdržan
16. Srđan Srdić - suzdržan
17. Barbara Peleš Stroil - za
18. Miroslav Živanović - za
19. Igor Gavrić - suzdržan
20. Reuf Hafizović - protiv
21. Snežana Omukić - suzdržana
22. Edina Gabela - protiv
23. Lana Velić - za
24. Sanela Holjan - suzdržana
25. Adnan Gušo - suzdržan
26. Bajro Biber - suzdržan
27. Toni Vukadin - za
28. Nazif Osmanović - protiv

Poslije pojedinačnog izjašnjavanja, **Predsjedavajući Gradskog vijeća Igor Gavrić** je konstatovao da **Gradsko vijeće Grada Sarajeva**, izjasnivši se sa 13 glasova "za", tri glasa "protiv" i 11 "suzdržanih" glasova prisutnih gradskih vijećnika (jedan gradski vijećnik se nije izjasnio) **nije usvojilo** prijedlog gradskog vijećnika Toni Vukadina da se u dnevni red sjednice, pod tačkom 15., uvrsti Informacija o postupku toka javne rasprave na Nacrt Odluke o utvrđivanju datuma obilježavanja Dana osnivanja Sarajeva.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (četiri gradska vijećnika se nisu izjasnila) **usvojilo je dnevni red 34. sjednice Gradskog vijeća Grada Sarajeva:**

1. Obavještenje o prestanku mandata gradske vijećnice (Mira Jurić)
2. Informacija o dodjeli mandata gradskom vijećniku (Nazif Osmanović)
3. Prijedlog Izmjena i dopuna Programa rada Gradskog vijeća Grada Sarajeva za 2019. godinu
4. Prijedlog Programa rada Gradskog vijeća Grada Sarajeva za 2020. godinu
5. Prijedlog Budžeta Grada Sarajeva za 2020. godinu
6. Prijedlog Odluke o izvršavanju Budžeta Grada Sarajeva za 2020. godinu
7. Prijedlog Programa međunarodne saradnje Grada Sarajeva za 2020. godinu
8. Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2020. godini
9. Prijedlog Odluke o formiranju Organizacionog odbora za pripremu i realizaciju Programa obilježavanja 6. aprila - Dana Grada Sarajeva u 2020. godini
10. Izvještaj o korištenju sredstava tekuće rezerve
11. Izvještaj o stanju u državnoj službi u Gradu Sarajevu
12. Izvještaj o saradnji i odnosima Grada Sarajeva sa nacionalnim manjinama
13. Nacrt Odluke o usvajanju Regulacionog plana „Brdo Hrasno“ sa Nacrtom Odluke o provođenju Regulacionog plana „Brdo Hrasno“
14. Nacrt Odluke o usvajanju Regulacionog plana „Zabrđe“ sa Nacrtom Odluke o provođenju Regulacionog plana „Zabrđe“
15. Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo u 2019. godini

16. Informacija o projektnim aktivnostima i dobivenim projektima iz međunarodnih finansijskih institucija i linija
17. Vijećnička pitanja i inicijative

Ad 3)

Prijedlog Izmjena i dopuna Programa rada Gradskog vijeća Grada Sarajeva za 2019. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Kolegij Gradskog vijeća, da su materijal razmatrala sva radna tijela i da su mišljenja radnih tijela dostupna gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, bez rasprave, jednoglasno**, izjasnivši se sa 27 glasova „za“, bez glasova „protiv“ i bez „suzdržanih“ glasova prisutnih gradskih vijećnika **usvojilo je Izmjene i dopune Programa rada Gradskog vijeća Grada Sarajeva za 2019. godinu**

Ad 4)

Prijedlog Programa rada Gradskog vijeća Grada Sarajeva za 2020. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Kolegij Gradskog vijeća, da su materijal razmatrala sva radna tijela i da su mišljenja radnih tijela dostupna gradskim vijećnicima kao i Izvještaj o provedenoj javnoj raspravi na Nacrt Programa rada Gradskog vijeća Grada Sarajeva za 2020. godinu.

Istako je da je Komisija za spomenike Gradskog vijeća usvojila **zaključke**:

1. Komisija za spomenike sugerira Gradskom vijeću da razmatra Program rada Gradskog vijeća Grada Sarajeva za 2020. godinu, kako je predložen, s tim da se u Program uvrsti tema pod nazivom:
„Projekat izgradnje memorijalnog centra Žuč“
Rok: kad se steknu uslovi
Predlagač: Gradonačelnik
Tema uvrštena na prijedlog Ministarstva za boračka pitanja Kantona Sarajevo i Komisije za spomenike Gradskog vijeća Grada Sarajeva.
2. Komisija za spomenike predlaže, a na prijedlog Gradske službe za urbano planiranje, investicije, stambene i komunalne poslove, da se u Programu rada Gradskog vijeća Grada Sarajeva za 2020. godinu, u tački 1. Nacrta Odluke o podizanju Spomen obilježja žrtvama na Kazanima izmjeni rok razmatranja, tako da glasi: III, a u tački četiri Prijedloga Odluke o podizanju Spomen obilježja žrtvama na Kazanima, tako da glasi: V.

Predlagač je prihvatio prijedloge i sugestije Komisije za spomenike, te su oni postali sastavni dio Programa rada Gradskog vijeća Grada Sarajeva za 2020. godinu

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, bez rasprave, jednoglasno**, izjasnivši se sa 26 glasova „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Program rada Gradskog vijeća Grada Sarajeva za 2020. godinu, kao je predložen i dopunjen prihvaćenim prijedlozima Komisije za spomenike Gradskog vijeća.**

Ad 5)

Prijedlog Budžeta Grada Sarajeva za 2020. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za budžet i finansije, Administrativna komisija i Komisija za Statut i akte, te da su amandmane podnijeli:

- gradski vijećnik Nuko Grebović,
- gradski vijećnik Miro Lazović,
- gradski vijećnik Vedad Deljković,
- gradski vijećnici Velija Katica, Nuko Grebović i Srđan Srdić,
- Klub gradskih vijećnika Naše stranke, u potpisu predsjedavajući Kluba gradskih vijećnika Naše stranke Samir Fazlić,
- gradska vijećnica Tea Mušić,
- gradski vijećnik Igor Gavrić,
- gradski vijećnik Velija Katica,
- gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović.

Upoznao je gradske vijećnike da su amandmani upućeni na razmatranje nadležnim radnim tijelima i Gradonačelniku, te da su mišljenja Odbora za budžet i finansije i Komisije za Statut i akte o podnesenim amandmanima dostupna.

Uvodne napomene o Prijedlogu Budžeta Grada Sarajeva za 2020. godinu podnio je **Gradonačelnik Grada Sarajeva Abdulah Skaka**.

Uvodno izlaganje podnijela je **Amela Kolovrat, pomoćnica Gradonačelnika za budžet i finansije**.

U raspravi, koja je uslijedila, učestvovao je **gradski vijećnik Nihad Uk i gradski vijećnik Toni Vukadin**.

Nakon diskusije o Prijedlogu Budžeta Grada Sarajeva za 2020. godinu, **Predsjedavajući Gradskog vijeća Igor Gavrić**, najavio je izjašnjenje o amandmanima.

Predsjedavajući Gradskog vijeća Igor Gavrić je istako da se o jednom dijelu podnesenih amandmana Gradsko vijeće neće izjašnjavati obzirom da nisu u skladu sa članom 32. stav 3. Zakona o budžetima u Federaciji Bosne i Hercegovine i članom 124. stav 5. Poslovnika Gradskog vijeća Grada Sarajeva, a to su sljedeći amandmani:

Amandman gradskih vijećnika Velije Katice, Nuke Grebovića i Srđana Srdića:

„U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka Fudbalski klub Jug Sarajevo-sufinansiranje aktivnosti kluba za takmičenje u Kantonalnoj ligi Kantona Sarajevo u 2020. godini, u koloni „Budžet 2020“, uz ovu stavku dodaje se iznos “5.000,00 KM“.

Amandman gradskih vijećnika Velije Katice, Nuke Grebovića i Srđana Srdića:

„U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka Fudbalski klub Bosna Sarajevo-sufinansiranje aktivnosti kluba za takmičenje u Kantonalnoj ligi Kantona Sarajevo u 2020. godini, u koloni „Budžet 2020“, uz ovu stavku dodaje se iznos “5.000,00 KM“.

Amandman gradskih vijećnika Velije Katice, Nuke Grebovića i Srđana Srdića:

„U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka Dječiji hor „Princes Krofne“ u koloni „Budžet 2020“, uz ovu stavku dodaje se iznos “5.000,00 KM“.“

Amandman gradskog vijećnika Velije Katice:

„U članu 2. Prijedloga Budžeta Grada Sarajeva za 2020. godinu na razdjelu: „Izdaci“, na ekonomskom kontu 614300 Grantovi neprofitnim organizacijama, dodaje se nova stavka Sanitacija DOO, finansiranje provođenja mjera DDD u ustanovama Grada Sarajeva, dezinfekcija kontejnera u iznosu od 5.000,00KM.“

Amandman Kluba gradskih vijećnika Naše stranke:

„U Prijedlogu Budžeta Grada Sarajeva za 2020. godinu predviđeno je na kontu 614400 podizanje spomenika od značaja za Grad Sarajevo u iznosu od 20.000,00 KM. Obzirom da su sredstva za planiranje spomenika nedostatna, predlažem povećanje stavke na 100.000,00 KM, a nedostajuća sredstva se preusmjeravaju sa konta 615500, prijekat hotela Vidikovac u iznosu od 80.000,00 KM.“

Amandman Kluba gradskih vijećnika Naše stranke:

„U Prijedlogu Budžeta za 2020. godinu ubaciti u Budžet za 2020. godinu na kontu 615500 ubaciti kupovinu stana za KJU Dom za djecu bez roditeljskog staranja koji će se staviti bez naknade za korištenje Ustanovi za smještaj djece-štićenika u procesu deinstucionalizacije u iznosu od 150.000 KM. Sredstva obezbijediti sa konta 615500 Projekat Hotela Vidikovac u iznosu od 150.000 KM.“

Amandman Kluba gradskih vijećnika Naše stranke:

„Na kontu 614400 otvoriti novu stavku Smart city-led rasvjeta projekat Maršala Tita i Ferhadija (od Katedrale do raskršća na Marin dvoru) u iznosu od 150.000 KM. Sredstva obezbijediti sa konta 615000 Hotel Vidikovac u iznosu od 150.000 KM.“

Amandman Kluba gradskih vijećnika Naše stranke:

„Na kontu 614400 predviđeno je utopljavanje objekata u iznosu od 90.000 KM. Predlažem da taj iznos ostane na nivou iz 2019. godine tj. 262.000 KM. Razliku nedostajućih sredstava namaknuti iz konta 615000 Hotel Vidikovac u iznosu od 172.000 KM.“

Amandman gradskih vijećnika Toni Vukadina, Almedina Miladina, Adnana Talića, Dade Stojnića, Lane Velić i Miroslava Živanovića:

„U Prijedlogu Budžeta Grada Sarajeva za 2020. godinu, iznos na poziciji 611100 Bruto plaće i naknade od 3.205.00 KM mijenja se i glasi 3.105.000 KM.

Razlika od 100.000 KM se usmjerava na novu poziciju u budžetu-Obnova i izgradnja dječijih igrališta na području gradskih općina.“

Amandman gradskih vijećnika Toni Vukadina, Almedina Miladina, Adnana Talića, Dade Stojnića, Lane Velić i Miroslava Živanovića:

„U Prijedlogu Budžeta Grada Sarajeva za 2020. godinu, iznos na poziciji 611200 Naknade troškova zaposlenih od 460.000 KM mijenja se i glasi 400.000 KM.

Razlika od 60.000 KM se usmjerava na način da se

- 40.000 KM planira na novu poziciju u Budžetu – Subvencioniranje škole plivanja Olimpijskog bazena Sarajevo za djecu iz socijalno ugroženih porodica.
- Preostali iznos od 20.000 KM usmjerava se na novu budžetsku poziciju – Program subvencioniranja plivačkih programa za penzionere, na Olimpijskom bazenu Sarajevo.“

Amandman gradskih vijećnika Toni Vukadina, Almedina Miladina, Adnana Talića, Dade Stojnića, Lane Velić i Miroslava Živanovića:

„U Prijedlogu Budžeta Grada Sarajeva za 2020. godinu, iznos na poziciji 613200 Izdaci za energiju od 127.000 KM mijenja se i glasi 100.000 KM.

- Razlika od 27.000 KM usmjerava se na novu poziciju u budžetu – Participacija za članarine u sportskim klubovima za djecu čije su porodice u stanju socijalne potrebe.“

Amandman gradskih vijećnika Toni Vukadina, Almedina Miladina, Adnana Talića, Dade Stojnića, Lane Velić i Miroslava Živanovića:

„U Prijedlogu Budžeta Grada Sarajeva za 2020. godinu, iznos na poziciji 613300 Izdaci za komunalne usluge od 109.000 KM mijenja se i glasi 90.000 KM.

- Razlika od 19.000 KM usmjerava se na novu poziciju -Obilježavanje međunarodnog dana starih 01. Oktobar, Centri za zdravo starenje na području gradskih općina.“

Amandman gradskih vijećnika Toni Vukadina, Almedina Miladina, Adnana Talića, Dade Stojnića, Lane Velić i Miroslava Živanovića:

„U Prijedlogu Budžeta Grada Sarajeva za 2020. godinu, iznos na poziciji 615000 Kapitalni grant – rb. 8. Projekat hotel Vidikovac od 2.500.000 KM mijenja se i iznosi 100.000 KM.

Razlika od 2.400.000 KM usmjerava se na nove pozicije u budžetu:

- 500.000 KM – Sufinansiranje obnove vrtića „Vjeverica“ na Alipašinom polju
- 150.000 KM – Postavljanje zaštitnih pregrada u svim domovima zdravlja na području grada Sarajeva kojima će se odvojiti zdrava od bolesne djece
- 200.000 KM- Uspostava audio-vizuelnog sistema za prozivku pacijenata u domovima zdravlja na području gradskih općina
- 100.000 KM -Održavanje i obnova rasvjete koja finansira iz budžeta Grada Sarajeva
- 40.000 KM – Izrada (revizija) projektne dokumentacije za obnovu carevog mosta
- 200.000 KM – Uređenje centralnih parkovskih površina u svakoj od četiri gradske općine
- 50.000 KM – Obnova javnih toaleta ispod Gradske tržnice i u Vilsonovom šetalištu
- 100.000 KM – Uređenje parking prostora na Trebeviću
- 150.000 KM-Izrada studije izvodljivosti i projektne dokumentacije za trebevičku bob stazu
- 50.000 KM-Rekonstrukcija toaleta u OŠ „Edhem Mulaabdić“
- 50.000 KM-Izgradnja dva toaleta na šetnici Dariva
- 50.000 KM-Osvjetljenje tunela na šetnici Dariva
- 20.000 KM-Osvjetljenje penjačke stijene na Darivi
- 50.000 KM-na konto 614400 rb. 23 Podizanje spomenika od značaja za Grad Sarajevo sa ukupnim iznosom 70.000 KM
- 100.000 KM-Izrada planske dokumentacije za podizanje Sportsko-rekreacionog centra Bazeni-Bentbaša
- 20.000 KM-na konto 614400 rb 28. Projekat izdavanja časopisa Bosniaca NUB BiH i drugi projekti od značaja za NUB BiH
- 10.000 KM-Specijalna olimpijada u organizaciji Udruženja za podršku osobama sa intelektualnim teškoćama na području KS Oaza
- 50.000 KM-Sufinansiranje projektnih aktivnosti na prostoru Park šuma Mojmilu
- 50.000 KM-Sufinansiranje rekonstrukcije Olimpijskog trga na Mojmilu
- 50.000 KM-Podrška humanitarnim projektima NVO Pomozi.ba
- 310.000 KM-Ekološka sanacija deponije smeća Smiljevići
- 80.000 KM-Preporod, Napredak, Prosvejeta i La Benevolencija
- 10.000 KM-Škola fudbala „Respekt“ Sarajevo za projektne aktivnosti
- 10.000 KM – Humanitarna organizacija „Ruku na srce“ Sarajevo“.

Amandman gradskih vijećnika Toni Vukadina, Almedina Miladina, Adnana Talića, Dade Stojnića, Lane Velić i Miroslava Živanovića:

„U Prijedlogu Budžeta Grada Sarajeva za 2020. godinu, iznos na poziciji 61500 Kapitalni grant-Zaštita, konzervacija, prezentacija i rehabilitacija historijske građevine-Zgrada željezničke stanice Bistrik u Sarajevu od 800.000 KM mijenja se i iznosi 100.000 KM.

Razlika od 700.000 KM usmjerava se na nove pozicije u budžetu:

- 300.000 KM-Sufinansiranje projekata za osavremenjnje prostora i opreme u Zavodu za zbrnjavanje mentalno invalidne djece i omladine Pazarić
- 170.000 KM-na konto 614200 rb.3. Stipendiranje učenika osnovnih i srednjih škola iz socijalno ugroženih porodica
- 230.000 KM-Zamjena rasvjetnih tijela u centralnim parkovima u gradskom općinama sa rasvjetom visoke energetske učinkovitosti“.

U raspravi, koja je uslijedila učestovali su **gradski vijećnik Nihad Uk**, **gradski vijećnik Toni Vukadin**, **Predsjedavajući Gradskog vijeća Igor Gavrić**, **gradski vijećnik Samir Fazlić**, **gradski vijećnik Velija Katica**, a dodatna pojašnjenja i odgovore na postavljena pitanja dali su **Gradonačelnik Grada Sarajeva Abdulah Skaka** i **pomoćnica Gradonačelnika za finansije Amela Kolovrat**.

Nakon rasprave, Predsjedavajući Gradskog vijeća Igor Gavrić je zatražio da se Gradonačelnik Grada Sarajeva Abdulah Skaka izjasni o amandmanima.

Gradski vijećnik Nuko Grebović uputio je amandman sljedećeg sadržaja:

„Molim vas da se za Filozofsko društvo Theoria, kao budžetska stavka, obezbijede sredstva u iznosu od 8.000,00 KM, sa stavke „Tekuće rezerve“ ili „Rashodi i prihodi“.

Gradonačelnik Grada Sarajeva Abdulah Skaka je **djelimično prihvatio** amandman, tako da se za Filozofsko društvo Theoria planiraju sredstva u iznosu od 5.000,00 KM, a što je gradski vijećnik Nuko Grebović i prihvatio.

Gradski vijećnik Nuko Grebović uputio je amandman sljedećeg sadržaja:

„Molim vas da za Košarkaški klub Željezničar - Sarajevo u Budžetu obezbijedite 24.000,00 KM sa stavke viška prihoda-rashoda ili stavke tekućih rezervi s obzirom da tokom agresije na Bosnu i Hercegovinu i poslije agresije nikad nisu prestajali sa radom i aktivnostim, te višegodišnji prvaci i pobjednici KUP-a BiH su ujedno i nosioci 6. aprilske nagrade Grada Sarajeva, osigurana sredstva će biti transparentno utrošena i rashodovana kroz državna i gradska takmičenja svih selekcija Košarkaškog kluba Željezničar“.

Gradonačelnik Grada Sarajeva Abdulah Skaka je **djelimično prihvatio** amandman, tako da se za Košarkaški klub „Željezničar“ planiraju sredstva u iznosu od 15.000,00 KM, a što je gradski vijećnik Nuko Grebović i prihvatio.

Gradski vijećnik Miro Lazović uputio je amandman sljedećeg sadržaja:

„U prijedlogu Budžeta Grada Sarajeva za 2020. godinu u Glavni Grantovi neprofitnim organizacijama – konto 614300

- U tački 14. Vijeće Kongresa bošnjačkih intelektualaca planirani iznos od 5.000 KM povećati na 10.000 KM;
- Dodati tačku 14.a VKBI-sufinansiranje XI toma enciklopedijskog Rječnika bosanskog jezika autora akademika prof.dr. Dževada Jahića u iznosu od 10.000,00 KM

Alternativa:

- U tački 14. VKBI planirani iznos od 5.000 KM povećati na iznos od 20.000 KM

Nedostajuća sredstva od 15.000 KM kojim bi se uvećala gore predložena pozicija, u prijedlogu Budžeta za 2020. godinu umanjiti na sljedećim pozicijama:

- Ekonomski kod 613900 Ugovorene usluge – umanjiti za 5.000 KM sa planiranih 2 miliona 14 hiljada i 358 KM na 2 miliona 9 hiljada i 358 KM;
- Konto 614100 točka 16. Sufinansiranje Sarajevo film festivala – umanjiti za 5.000 KM sa planiranih 200.000 KM na 195.000 KM;
- Konto 614300 red.br. 28. grantovi za nepredviđene izdatke – umanjiti za 5.000 KM sa planiranih 50.000 KM na 45.000 KM;
Ili 10.000 KM obezbijediti umanjivanjem po 5.000 KM na kontu 614300 red.br.42. i 49. FK Sarajevo i FK Željezničar, pa planirani iznos od po 100.000 KM planirati sa po 95.000 KM“.

Gradonačelnik Grada Sarajeva Abdulah Skaka **je prihvatio** da se pozicija Vijeće kongresa bošnjačkih intelektualaca poveća za 5.000,00 KM, a da se za Vijeće kongresa bošnjačkih intelektualaca - sufinansiranje XI toma enciklopedijskog Rječnika bosanskog jezika autora akademika prof.dr. Dževada Jahića planiraju sredstva u iznosu od 5.000,00 KM, a što je gradski vijećnik Miro Lazović prihvatio.

Klub vijećnika Naše stranke uputio je amandman sljedećeg sadržaja:

„Na kodu 614200 predviđeno je stipendiranje učenika srednjih škola u iznosu od 100.000 KM. Obzirom da je projekat uspješan, i da je dao vanredne rezultate, pogotovo što jako veliki broj učenika korisnika stipendije dolazi iz srednjih stručnih škola, predlažem da se iznos poveća na 200.000 KM. Sredstva obezbijediti sa konta 614100 sredstva za vjerske zajednice i crkve u iznosu od 50.000 KM, te konta 613900 ugovorene usluge u iznosu od 50.000 KM“.

Gradonačelnik Grada Sarajeva Abdulah Skaka **nije prihvatio** amandman, ali je istakao da će biti prihvaćen nakon što bude okončan javni poziv, te u zavisnosti od toga koliko učenika bude apliciralo na javni poziv, Gradsko vijeće će razmatrati mogućnost povećanja sredstava.

Obzirom da je gradski vijećnik Samir Fazlić, zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, u ponovljenom glasanju, izjasnivši se sa 12 glasova “za”, četiri glasa “protiv” i deset “suzdržanih” glasova prisutnih gradskih vijećnika (dva gradska vijećnika se nisu izjasnila) **nije usvojilo** amandman.

Klub vijećnika Naše stranke uputio je amandman sljedećeg sadržaja:

„Na kontu 614100 otvoriti stavku nabavka neophodne tehničke opreme za PU Centar prema specifikaciji u iznosu od 30.000 KM. Sredstva obezbijediti sa konta 614200 Koncert povodom završetka ljetne sezone u iznosu od 30.000 KM.“

Gradonačelnik Grada Sarajeva Abdulah Skaka nije prihvatio navedeni amandman.

Obzirom da je gradski vijećnik Samir Fazlić, zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa 14 glasova “za”, dva glasa “protiv” i deset “suzdržanih” glasova prisutnih gradskih vijećnika (dva gradska vijećnika se nisu izjasnila) **usvojilo je** amandman.

Predsjedavajući Kluba gradskih vijećnika SDA Velija Katica je izrazio sumnju u rezultate glasanja, te se pristupilo pojedinačnom glasanju:

1. Vedad Deljković - suzdržan
2. Adnan Talić - za
3. Almedin Miladin - za
4. Stojnić Dado - za
5. Alma Jašarević - za
6. Vedran Grebo - za
7. Srđan Simonović- suzdržan

8. Samir Fazlić - za
9. Velija Katica - suzdržan
10. Sead Srna - za
11. Nihad Uk - za
12. Nuko Grebović - za
13. Tea Mušić - suzdržana
14. Miro Lazović - za
15. Hazim Bahtanović - suzdržan
16. Srđan Srdić - suzdržan
17. Barbara Peleš Stroil - za
18. Miroslav Živanović - za
19. Igor Gavrić- suzdržan
20. Reuf Hafizović – ne čuje se
21. Snežana Omukić - suzdržana
22. Edina Gabela - suzdržana
23. Velić Lana - odsutna
24. Holjan Sanela - suzdržana
25. Adnan Gušo - suzdržan
26. Bajro Biber - suzdržan
27. Toni Vukadin – za
28. Nazif Osmanović - suzdržan

Uvidom u evidenciju koju je sekretar Gradskog vijeća Safet Krajišnik vodio prilikom pojedinačnog izjašnjavanja **Predsjedavajući Gradskog vijeća Igor Gavrić** je konstatovao da je **Gradsko vijeće Grada Sarajeva**, izjasnivši se sa 14 glasova "za" i 13 "suzdržanih" glasova prisutnih gradskih vijećnika (jedan gradski vijećnik se nije izjasnio) **usvojilo** amandman.

Nakon objave rezultata glasanja, Predsjedavajući Gradskog vijeća je naknadno konstatovao da je gradski vijećnik Reuf Hafizović bio protiv, te da amandman **nije usvojen**.

Klub vijećnika Naše stranke uputio je amandman sljedećeg sadržaja:

„Na kontu 614100 otvoriti stavku nabavka OPREME ZA Vatrogasnu jedinicu Bjelave u iznosu od 30.000 KM. Sredstva obezbijediti sa konta 613100 Putni troškovi u iznosu od 30.000 KM.“

Gradonačelnik Grada Sarajeva Abdulah Skaka se izjasnio da će ovaj amandman biti prihvaćen kroz podršku projektima dobrovoljnih vatrogasnih društava na području gradskih općina u iznosu od 30.000,00 KM.

Obzirom da je gradski vijećnik Samir Fazlić zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa devet glasova “za”, četiri glasa “protiv” i 13 “suzdržanih” glasova prisutnih gradskih vijećnika (jedan gradski vijećnik se nije izjasnio) **nije usvojilo** amandman.

Klub vijećnika Naše stranke uputio je amandman sljedećeg sadržaja:

„U Prijedlogu Budžeta Grada Sarajeva za 2020. na kontu 614400 otvoriti stavku Uređenje fasade vrtića Slavuj u iznosu od 50.000 KM. Sredstva obezbijediti sa konta 614800 sudske presude u iznosu od 20.000 KM, te konta 614300 Nepredviđeni izdatci u iznosu od 30.000 KM.“

Gradonačelnik Grada Sarajeva Abdulah Skaka se izjasnio da amandman nije moguće prihvatiti obzirom da je u Budžetu Grada Sarajeva za 2020. godinu planirana stavka obnove fasada, te pozvao vrtić “Slavuj” da aplicira na ovaj projekat. Također je istakao da nije moguće umanjivati sredstva na poziciji sudski troškovi.

Obzirom da je gradski vijećnik Samir Fazlić, zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa devet glasova “za”, četiri glasa “protiv” i 13 “suzdržanih” glasova prisutnih gradskih vijećnika, **nije usvojilo** amandman.

Klub vijećnika Naše stranke uputio je amandman sljedećeg sadržaja:

„U Prijedlogu Budžeta za 2020. godinu otvorena je stavka na kodu 614400 Projekat rekonstrukcije, restauracije i kolorističke obrade fasada u gradu Sarajevu u iznosu od 250.000 KM. Ovaj iznos treba povećati na 300.000 KM. Sredstva namaknuti sa konta 613900 u iznosu od 50.000 KM, te ih usmjeriti na rekonstrukciju i restauraciju kompleksa Marijinog dvora ili ulice Kaptol.“

Gradonačelnik Grada Sarajeva Abdulah Skaka se izjasnio da nije moguće prihvatiti amandman. Obzirom da je gradski vijećnik Samir Fazlić, zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa devet glasova “za”, pet glasova “protiv” i 12 “suzdržanih” glasova prisutnih gradskih vijećnika, **nije usvojilo** amandman.

Klub vijećnika Naše stranke uputio je amandman sljedećeg sadržaja:

„Na kontu 615500 treba dodati novu stavku OBNOVA CAREVE ČUPRIJE u iznosu od 50.000 KM. Sredstva obezbjediti sa konta 613900 grad Sarajevo-ugovorene usluge i smanjiti za 50.000 KM.“

Gradonačelnik Grada Sarajeva Abdulah Skaka se izjasnio da se radi o kapitalnom projektu koji zahtjeva velika finansijska sredstva, te da amandman nije moguće prihvatiti.

Obzirom da je gradski vijećnik Samir Fazlić, zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa deset glasova “za”, četiri glasa “protiv” i 10 “suzdržanih” glasova prisutnih gradskih vijećnika (dva gradska vijećnika se nisu izjasnila), **nije usvojilo** amandman.

Klub vijećnika Naše stranke uputio je amandman sljedećeg sadržaja:

„Na kontu 614400 treba otvoriti stavku implementacija Pariške deklaracije u iznosu od 15.000 KM. Sredstva namaknuti sa 614300 Finansiranje parlamentarnih grupa u iznosu od 15.000 KM.“

Gradonačelnik Grada Sarajeva Abdulah Skaka se izjasnio da se amandman ne prihvata.

Obzirom da je gradski vijećnik Samir Fazlić, zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa osam glasova “za”, sedam glasova “protiv” i 11 “suzdržanih” glasova prisutnih gradskih vijećnika, **nije usvojilo** amandman.

Gradski vijećnik Igor Gavrić uputio je amandman sljedećeg sadržaja:

„U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614100 Tekući grantovi drugim nivoima**, dodaje se nova stavka **25. „Sufinansiranje projekta Zimska čarolija na Skenderiji”**, a u koloni „Budžet 2020“, uz ovu stavku dodaje se iznos **„20.000,00 KM“**.“

Gradonačelnik Grada Sarajeva Abdulah Skaka se izjasnio da se amandman prihvata, te će se realizovati sa stavke Iznajmljivanje prostora, što je gradski vijećnik Igor Gavrić prihvatio.

Gradski vijećnik Igor Gavrić uputio je amandman sljedećeg sadržaja:

„U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614100 Tekući grantovi drugim nivoima**, u stavci **12. „Sufinansiranje programskih i projektnih aktivnosti ANU BiH”**, predloženi iznos od 0.00 KM u koloni „Budžet 2020.“, se mijenja tako da glasi **„25.000,00 KM“**.“

Gradonačelnik Grada Sarajeva Abdulah Skaka se izjasnio da se amandman prihvata.

Gradski vijećnik Igor Gavrić uputio je amandman sljedećeg sadržaja:

„U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614300 Grantovi neprofitnim organizacijama** dodaje se nova stavka 26. „**Udruženje građana Budućnost iz Novog Sarajeva**“, a u koloni „Budžet 2020“, uz ovu stavku dodaje se iznos „**10.000,00 KM**“.“

Gradonačelnik Grada Sarajeva Abdulah Skaka se izjasnio da se amandman djelimično prihvata u iznosu od 5.000,00 KM, a što je gradski vijećnik Igor Gavrić prihvatio.

Gradski vijećnik Igor Gavrić uputio je amandman sljedećeg sadržaja:

„U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614300 Grantovi neprofitnim organizacijama**, u stavci **51. „Projekti Humanitarno–karitativne organizacije „Kruh sv. Ante Franjevačke provincije Bosne srebrenne“**, predloženi iznos od 0.00KM u koloni „Budžet 2020“, se mijenja tako da glasi „**15.000,00 KM**“.“

Gradonačelnik Grada Sarajeva Abdulah Skaka se izjasnio da se amandman prihvata.

Gradska vijećnica Tea Mušić uputila je amandman sljedećeg sadržaja:

„U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614400 Tekući grantovi javnim preduzećima i ustanovama**, dodaje se nova stavka **40. „Izrada i montiranje vanjskih roletni na objektu JU OŠ „Hasan Kikić” Sarajevo**, a u koloni „Budžet 2020“, uz ovu stavku dodaje se iznos „**29.000,00 KM**“.“

Gradonačelnik Grada Sarajeva Abdulah Skaka se izjasnio da se amandman na način kako je predložen ne može prihvatiti, ali da će se projekat realizovati na drugi način, a što je gradska vijećnica Tea Mušić prihvatila.

Gradska vijećnica Tea Mušić uputila je amandman sljedećeg sadržaja:

„U članu 2. Prijedloga Budžeta Grada Sarajeva za 2020. godinu, na razdjelu: „Izdaci“, na ekonomskom kontu **614400 Tekući grantovi javnim preduzećima i ustanovama**, dodaje se nova stavka **41. „Adaptacija i sanacija poda u fiskulturnoj sali JU OŠ „Mehmed-beg Kapetanović Ljubušak” Sarajevo**, a u koloni „Budžet 2020“, uz ovu stavku dodaje se iznos „**14.000,00**“.“

Gradonačelnik Grada Sarajeva Abdulah Skaka je ponovio izjašnjenje kao za predhodni amandman, a što je gradska vijećnica Tea Mušić prihvatila.

Gradski vijećnik Vedad Deljković uputio je amandman sljedećeg sadržaja:

„Na kodu 614300, Grantovi neprofitnim organizacijama, u stavci 46 uvećava se predloženi iznos sa 7 000,00 KM tako da stoji: Sufinansiranje programskih aktivnosti i dijela režiskih troškova „Balkanskog mevlevijskog istraživačkog centra“ 12 000,00 KM, a navedena sredstva se obezbjeđuju sa koda 614400, stavka 8, Projekat utopljanja fasada na području Grada Sarajeva, tako da se iznos sredstava od 90 000,00 KM umanjuje za 7 000,00 KM.“

Gradonačelnik Grada Sarajeva Abdulah Skaka se izjasnio da će se amandman realizovati kroz podršku vjerskim zajednicama i crkvama, a što je gradski vijećnik Vedad Deljković i prihvatio.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613100 Putni troškovi-Prevoz, smještaj i dnevnice na sl. putovanju u iznosu od 159.500 KM mijenja se i glasi 85.500 KM. Razlika od 74.000 KM usmjerava se na novu poziciju u Budžetu -Nabavka korpica za smeće na potezu od Higijenskog zavoda do Bašćaršijskog trga.“

Gradonačelnik Grada Sarajeva Abdulah Skaka se izjasnio da se amandman ne može prihvatiti obzirom da je su u Budžetu Grada Sarajeva za 2019. godinu bila planirana sredstva za nabavku korpica, te da realizacija projekta u saradnji sa KJKP „Rad“ nije uspjela.

Obzirom da su gradski vijećnici, zatražili izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa 11 glasova “za”, četiri glasa “protiv” i 11 “suzdržanih” glasova prisutnih gradskih vijećnika, **nije usvojilo** amandman.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613400 Nabavka materijala od 81.800 KM mijenja se i glasi 61.800 KM.

Razlika od 20.000 KM usmjerava se za postavljanje adekvatnih tabli sa vidnim nazivima stanica na trolejbuskoj linini Trg Austrije-Dobrinja.“

Gradonačelnik Grada Sarajeva Abdulah Skaka se izjasnio da se amandman djelimično prihvata u iznosu od 5.000,00 KM, a što su gradski vijećnici prihvatili.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613500 Izdaci za usluge prevoza-Gorivo i prevoz usluge od 26.000 KM mijenja se i glasi 20.000 KM.

Razlika od 6.000 KM usmjerava se na novu budžetsku poziciju – Podrška projektima dobrovoljnih vatrogasnih društava na području gradskih općina (ovom iznosu se dodaje iznos iz amandmana XVII).“

Gradonačelnik Grada Sarajeva Abdulah Skaka se izjasnio da se amandman prihvata, te će se realizovati kroz planiranu poziciju – Podrška projektima dobrovoljnih vatrogasnih društava na području gradskih općina, a što su gradski vijećnici prihvatili.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge – Izdaci za informisanje, medije i odnose s javnošću, štampanje, kopiranje i uvezivanje i sl. u iznosu od 219.638,70 KM mijenja se i glasi 72.638,70 KM.

Razlika od 147.000 KM usmjerava se za novu poziciju u budžetu- Hortikulturno uređenje Titove ulice od Vječne vatre do Higijenskog zavoda.“

Gradonačelnik Grada Sarajeva Abdulah Skaka se izjasnio da se amandman ne prihvata.

Obzirom da su gradski vijećnici zatražili izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa 11 glasova “za”, pet glasova “protiv” i 10 “suzdržanih” glasova prisutnih gradskih vijećnika (dva gradska vijećnika se nisu izjasnila), **nije usvojilo** amandman.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge –Usluge reprezentacije od 107.000 KM mijenja se i glasi 50.000 KM.

Razliku od 57.000 KM prebaciti na 613300 rn. 39 Projekat „Roditeljska kuća“ Sarajevo-Udruženje Srce za djecu koja boluju od raka tako da će na ovoj poziciji biti 77.000 KM.“

Gradonačelnik Grada Sarajeva Abdulah Skaka se izjasnio da se amandman ne prihvata, o čemu se Gradsko vijeće nije izjašnjavalo.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge –Usluge protokolarne reprezentacije od 80.000 KM mijenja se i glasi 55.000 KM.

Razliku od 25.000 KM usmjeriti na 614400 rb. 13 Odbrana BiH-Igman 2020. Tako da će na ovoj poziciji biti 35.000 KM.“

Gradonačelnik Grada Sarajeva Abdulah Skaka se izjasnio da se amandman ne prihvata, o čemu se Gradsko vijeće nije izjašnjavalo.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge – Pokloni Grada Sarajeva (vrećice, knjige, cvijeće, CD i sl.) u iznosu od 33.000 KM mijenja se i glasi 18.000 KM.

Razlika od 15.000 KM usmjerava se na budžetsku poziciju 614300 Grantovi neprofitnim organizacijama rb. 14 VKBI i sada ta pozicija ukupno iznosi 20.000 KM.“

Obzirom da je **Gradonačelnik Grada Sarajeva Abdulah Skaka prihvatio** amandman gradskog vijećnika Mire Lazovića, koji se odnosi na finansiranje Vijeća kongresa bošnjačkih intelektualaca, gradski vijećnici su odustali od ovog amandmana.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge – Izrada replike Sebilja, poklon gradovima od 120.000 KM, briše se.

Iznos od 120.000 KM usmjerava se na novu poziciju u budžetu – Izrada horizontalnih linija za parkiranje i uređenje javnih parkinga na području četiri gradske općine.“

Gradonačelnik Grada Sarajeva Abdulah Skaka se izjasnio da amandman nije moguće prihvatiti, obzirom da je, u narednoj godini, planirano da se poklone dvije replike Sebilja, jedan u Kinu, a drugi u Azerbejdžan.

Obzirom da su gradski vijećnici, zatražili izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa 11 glasova “za”, četiri glasa “protiv” i 12 “suzdržanih” glasova prisutnih gradskih vijećnika (jedan gradski vijećnik se nije izjasnio), **nije usvojilo** amandman.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge – Stručne usluge od 20.000 KM, mijenja se i iznosi 15.000 KM.

Razlika od 5.000 KM usmjerava se na poziciju 614300 rb.11 Savez udruženja osoba savez udruženja osoba sa cerebralnom paralizom FBiH“.

Gradonačelnik Grada Sarajeva Abdulah Skaka se izjasnio da se amandman **prihvata** u iznosu od 5.000,00 KM.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge – Izdaci za ugovorene usluge, doprinos i porez od 107.000 KM mijenja se i iznosi 90.000 KM.

Razlika od 17.000 KM usmjerava se na novu poziciju u budžetu-Finansijska podrška realizaciji projekta obnove osvjjetljenja i video nadzora u kompleksu Stare pravoslavne crkve na Bašćaršiji“:

Gradonačelnik Grada Sarajeva Abdulah Skaka se izjasnio da se amandman prihvata i to sa pozicije vjerskih zajednica.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge –Ostale usluge (web stranica, prevođenje, teh usluge, snimanje, članarina), od 107.520 KM mijenja se iznosi 90.520 KM.

Razlika od 17.000 KM usmjerava se na sljedeći način:

- Na budžetsku poziciju 614400 rb. 21. Sporazum o saradnji na osnaživanju obrtničke djelatnosti sa Obrtničkom komorom KS usmjerava se iznos od 10.000 KM tako da je ukupan iznos na poziciji, 20.000 KM.
- Na novu budžetsku poziciju Izgradnja Abdesthane uz Džamiju Hadži Sulejman Čokdžijau u UL. Jedileri usmjerava se iznos od 7.000 KM.“

Gradonačelnik Grada Sarajeva Abdulah Skaka se izjasnio da amandman kojim se traži povećanje sredstva Sporazum o saradnji na osnaženju obrtničke djelatnosti sa obrtničkom komorom Kantona Sarajevo za 10.000,00 KM nije moguće prihvatiti.

Obzirom da je gradski vijećnik Adnan Talić, zatražio izjašnjenje Gradskog vijeća o navedenom amandmanu, Gradsko vijeće Grada Sarajeva, izjasnivši se sa 16 glasova „za“, tri glasa „protiv“ i osam „suzdržanih“ glasova prisutnih gradskih vijećnika (jedan gradski vijećnik se nije izjasnio), **usvojilo je** amandman kojim će se planirati sredstva na budžetskoj poziciju 614400 rb. 21. Sporazum o saradnji na osnaživanju obrtničke djelatnosti sa Obrtničkom komorom KS u ukupnom iznosu od 20.000 KM.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 613900 Ugovorene usluge Svečano otvorenje Olimpijskog muzeja od 20.000 KM, briše se.

- Iznos od 5.000 KM na 614100 rb. 5 Obilježavanje godišnjice ZOI 84
- Dodatnih 5.000 KM na 614.300 rb. 50 Udruženje oboljelih od morbus crohn i ulcerozni kolitis u BiH.
- Ostatak od 10.000 KM na 614400 rb. 34. Subvencioniranje cijene ulaznica koje plaćaju penzioneri u Narodnom pozorištu, Kamernom teatru i drugim pozorištima na području Kantona Sarajevo.“

Gradonačelnik Grada Sarajeva Abdulah Skaka se izjasnio da nije moguće prihvatiti amandman koji se odnosi na sredstva u iznosu od 5.000,00 KM za Obilježavanje godišnjice ZOI 84, dok se prihvata amandman u iznosu od 5.000,00 KM za Udruženje oboljelih od morbus crohn i ulceroznog kolitisa u BiH, te djelimično prihvata amandman koji se odnosi na subvencioniranje cijene ulaznica koje plaćaju penzioneri u Narodnom pozorištu, Kamernom teatru i drugim pozorištima na području Kantona Sarajevo u iznos od 5.000,00 KM.

Obzirom da su gradski vijećnici zatražili izjašnjenje Gradskog vijeća samo za dio amandmana koji se odnosi na sredstva za Obilježavanje godišnjice ZOI 84., Gradsko vijeće Grada Sarajeva, izjasnivši se 12 glasova „za“, pet glasova „protiv“ i deset „suzdržanih“ glasova prisutnih gradskih vijećnika (jedan gradski vijećnik se nije izjasnio) **nije usvojilo amandman u dijelu koji se odnosi na sredstva za Obilježavanje godišnjice ZOI 84.**

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 614300 rb. 12 Koncert povodom zatvaranja ljetne turističke i festivalske sezone od 30.000 KM, briše se.

Iznos od 30.000 KM se raspoređuje na sljedeći način:

- 20.000 KM -Finansijska pomoć porodicama ubijenih policajaca na Alipašinom polju.
- 10.000 KM-Implementacija projekta NVO „Svitanje“ djeca povratnika koji dolaze u posjetu Sarajevu.“

U raspravi su učestovali **gradski vijećnik Hazim Bahtanović i gradski vijećnik Toni Vukadin**, a dodatna pojašnjenja dala je **pomoćnica Gradonačelnika za finansije Amela Kolovrat**.

Gradonačelnik Grada Sarajeva Abdulah Skaka je uzeo učešće u raspravi, izjasnivši se **da prihvata** amandman kojim će se planirati sredstva u iznosu od 20.000,00 KM za finansijsku pomoć porodicama ubijenih policajaca na Alipašinom polju tako da **pomoćnica Gradonačelnika za finansije Amela Kolovrat** iznađe pravno rješenje na koji način se može realizovati amandman, a da se amandman gradskog vijećnika Toni Vukadina - Implementacija projekta NVO „Svitanje“ djeca povratnika koji dolaze u posjetu Sarajevu“ **djelimično prihvati** u iznosu od 5.000,00 KM, a što je gradski vijećnik Toni Vukadin prihvatio.

Gradski vijećnici Toni Vukadin, Almedin Miladin, Adnan Talić, Dado Stojnić, Lana Velić i Miroslav Živanović uputili su amandman sljedećeg sadržaja:

„U Prijedlogu Budžeta Grada Sarajeva za 2020. godinu, iznos na poziciji 614300 Grantovi neprofitnim organizacijama rb. 23 Dobrovoljno vatrogasno društvo „Vratnik“ iznos od 30.000 KM, briše se.

Kompletan iznos od 30.000 KM se preusmjerava na novu budžetsku poziciju – Podrška projektima dobrovoljnih vatrogasnih društava (DVD) na području gradskih općina“.

Gradonačelnik Grada Sarajeva Abdulah Skaka je prihvatio amandman.

Gradonačelnik Grada Sarajeva Abdulah Skaka je podnio amandman da se u Budžetu Grada Sarajeva za 2020. godinu planiraju sredstva u iznosu od 10.000,00 KM za finansiranje nabavke peći za potrebe kuhinje JU Zavod Pazarić, o čemu se Gradsko vijeće nije izjašnjavalo.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 19 glasova „za“, šest glasova „protiv“ i tri „suzdržana“ glasa prisutnih gradskih vijećnika **usvojilo je Budžeta Grada Sarajeva za 2020. godinu, kako je predložen i izmjenjen uvrštavanjem rješenja iz prihvaćenih odnosno usvojenih amandmana**.

Ad 6)

Prijedlog Odluke o izvršavanju Budžeta Grada Sarajeva za 2020. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da su materijal razmatrali Odbor za budžet i finansije, Administrativna komisija i Komisija za Statut i akte i da su mišljenja radnih tijela dostupna gradskim vijećnicima.

U raspravi je sudjelovao **gradski vijećnik Toni Vukadin**, a dodatna pojašnjenja su dali **sekretar Gradskog vijeća Safet Krajišnik i pomoćnica gradonačelnika za finansije Amela Kolovrat**.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva, većinom glasova**, izjasnivši se sa 17 glasova „za“, četiri glasa „protiv“ i jednim „suzdržanim“ glasom prisutnih gradskih vijećnika (šest gradskih vijećnika se nije izjasnilo) **usvojilo je Odluku o izvršavanju Budžeta Grada Sarajeva za 2020. godinu, kako je predložena**.

Uslijedila je pauza.

Ad 7)

Prijedlog Programa međunarodne saradnje Grada Sarajeva za 2020. godinu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Komisija za međunarodnu suradnju Gradskog vijeća Grada Sarajeva, a da je materijal razmatrala Komisija za Statut i akte i da su izvještaji radnih tijela dostupna gradskim vijećnicima.

U raspravi, koja je uslijedila, učestvovao je gradski vijećnik **Adnan Gušo** i gradski vijećnik **Samir Fazlić**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva, većinom glasova**, izjasnivši se sa 20 glasova „za“, jednim glasom „protiv“ i jednim „suzdržanim“ glasom prisutnih gradskih vijećnika (šest gradskih vijećnika se nije izjasnilo) **usvojilo je Programa međunarodne saradnje Grada Sarajeva za 2020. godinu, kako je predložen.**

Ad 8)

Prijedlog Odluke o davanju saglasnosti na Program obilježavanja 6. aprila - Dana Grada Sarajeva u 2020. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta Gradonačelnik, da je materijal razmatrao Odbor za društvene djelatnosti i Komisija za Statut i akte i da su mišljenja radnih tijela dostupna gradskim vijećnicima. Odbor za društvene djelatnosti sugerira Gradskom vijeću da razmatra Odluku o davanju saglasnosti na Program obilježavanja 6. aprila - Dana Grada Sarajeva, uz uvažavanje sljedećih zaključaka.

1. Odbor za društvene djelatnosti predlaže da se naknadne manifestacije koje iziskuju finansijska sredstva ne finansiraju sa planirane stavke Budžeta za obilježavanje 6. aprila - Dana Grada Sarajeva, nego da se sredstva posebno izdvoje sa druge stavke.
2. Odbor za društvene djelatnosti predlaže da prilikom otvaranja manifestacija i dodjele nagrada obavezno prisustvuju i gradski vijećnici, i time će se dati dignitet samim aktivnostima povodom 6. aprila.
3. Odbor za društvene djelatnosti predlaže Gradonačelniku da se Zaključak pod tačkom 1. predloženog Programa na kraju teksta, prije tačke, dopuni kako slijedi: „ ... uz prethodnu saglasnost Organizacionog odbora za pripremu i realizaciju Programa obilježavanja 6. aprila - Dana Grada Sarajeva u 2020. godini“.

Gradonačelnik Grada Sarajeva Abdulah Skaka je prihvatio prijedloge Odbora.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (tri gradska vijećnika se nisu izjasnila) **usvojilo je Odluku o davanju saglasnosti na Program obilježavanja 6. aprila - Dana Grada Sarajeva u 2020. godini kako je predložena, uz izmjenu Program u skladu sa prihvaćenim prijedlogom Odbora.**

Ad 9)

Prijedlog Odluke o formiranju Organizacionog odbora za pripremu i realizaciju Programa obilježavanja 6. aprila – Dana Grada Sarajeva u 2020. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta **Predsjedavajući Gradskog vijeća**, da je materijal razmatrala Komisija za Statut i akte, te da je izvještaj radnog tijela dostupan gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 22 glasa „za“, bez glasova „protiv“ i jednim „suzdržanim“ glasom prisutnih gradskih vijećnika (tri gradska vijećnika se nisu izjasnila) **usvojilo je Odluku o formiranju Organizacionog odbora za pripremu i realizaciju Programa obilježavanja 6. aprila – Dana Grada Sarajeva u 2020. godini, kao je predložena.**

Ad 10)

Izvještaj o korištenju sredstava tekuće rezerve

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač akta **Gradonačelnik**, da su materijal razmatrali Odbor za budžet i finansije i Komisija za Statut i akte i da su izvještaji radnih tijela dostupni gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (tri gradska vijećnika se nisu izjasnila) **usvojilo je Izvještaj o korištenju sredstava tekuće rezerve, kao je predložen.**

Ad 11)

Izvještaj o stanju u državnoj službi u Gradu Sarajevu

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala **Gradonačelnik**, da je materijal razmatrala Komisija za Statut i akte i da je izvještaj radnog tijela dostupan gradskim vijećnicima.

Na poziv **Predsjedavajućeg Gradskog vijeća Igora Gavrića, Gradsko vijeće Grada Sarajeva**, bez rasprave, **većinom glasova**, izjasnivši se sa 23 glasa „za“, jednim „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Izvještaj o stanju u državnoj službi u Gradu Sarajevu, kako je predložen.**

Ad 12)

Izvještaj o saradnji i odnosima Grada Sarajeva sa nacionalnim manjinama

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala **Gradonačelnik**, da je materijal razmatrala Komisija za odnose s vjerskim zajednicama i crkvama i Komisija za Statut i akte i da su izvještaji radnih tijela dostupni gradskim vijećnicima.

U raspravi je učestvovao **gradski vijećnik Samir Fazlić**, a odgovor na pitanje je dao **Gradonačelnik Grada Sarajeva Abdulah Skaka**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva, jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (dva gradska vijećnika se nisu izjasnila) **usvojilo je Izvještaj o saradnji i odnosima Grada Sarajeva sa nacionalnim manjinama, kako je predložen**.

Ad 13)

Nacrt Odluke o usvajanju Regulacionog plana „Brdo Hrasno“ sa Nacrtom Odluke o provođenju Regulacionog plana „Brdo Hrasno“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala Gradonačelnik, da su materijal razmatrali Odbor za urbanizam i upotrebu lokalnog zemljišta i Komisija za Statut i akte i da su izvještaji radnih tijela dostupni gradskim vijećnicima.

U raspravi su učestvovali **gradski vijećnik Samir Fazlić** i **gradski vijećnik Hazim Bahtanović**, a dodatna pojašnjenja dala je **Arijana Musić, iz Gradske službe za urbano planiranje, investicije, stambene i komunalne poslove**.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva, jednoglasno**, izjasnivši se sa 23 glasa „za“, bez glasova „protiv“ i bez „suzdržanih“ glasova prisutnih gradskih vijećnika (jedan gradski vijećnik se nije izjasnio) **usvojilo je Zaključak kojim se Nacrt Odluke o usvajanju Regulacionog plana „Brdo Hrasno“ sa Nacrtom Odluke o provođenju Regulacionog plana „Brdo Hrasno“ upućuje u javnu raspravu, a kako slijedi:**

1. Gradsko vijeće Grada Sarajeva je razmotrilo Nacrt Odluke o usvajanju Regulacionog plana „Brdo Hrasno“, sa Nacrtom Odluke o provođenju Regulacionog plana „Brdo Hrasno“ i iste upućuje na Javni uvid i Javnu raspravu u trajanju od 30 dana.
2. Subjekti u Javnoj raspravi su: Općina Novo Sarajevo, Ministarstvo prostornog uređenja, građenja i zaštite okoliša Kantona Sarajevo, Ministarstvo saobraćaja Kantona Sarajevo, Zavod za planiranje razvoja Kantona Sarajevo, Zavod za izgradnju Kantona Sarajevo, Kantonalni zavod za zaštitu kulturno historijskog i prirodnog naslijeđa Sarajevo, komunalna i javna komunalna preduzeća, vlasnici i korisnici zemljišta, vjerske zajednice, potencijalni investitori i drugi zainteresirani subjekti koji iskažu svoj interes.
3. Zaključak, čiji sastavni dio je Nacrt Odluke o usvajanju Regulacionog plana „Brdo Hrasno“, sa Nacrtom Odluke o provođenju Regulacionog plana „Brdo Hrasno“, dostavlja se subjektima u Javnoj raspravi, a Nacrt Regulacionog plana „Brdo Hrasno“ se stavlja na Javni uvid i Javnu raspravu.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća prilikom razmatranja Nacrta Odluke o usvajanju Regulacionog plana „Brdo Hrasno“ sa Nacrtom Odluke o provođenju Regulacionog plana „Brdo Hrasno“ tretiraju se kao prilog Javnoj raspravi.
5. Za organizovanje i vođenje Javne rasprave određuje se Gradonačelnik Grada Sarajeva i Odbor za urbanizam i upotrebu lokalnog zemljišta Gradskog vijeća Grada Sarajeva.

Ad 14)

Nacrt Odluke o usvajanju Regulacionog plana „Zabrđe“ sa Nacrtom Odluke o provođenju Regulacionog plana „Zabrđe“

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala Gradonačelnik, te da su materijal razmatrali Odbor za urbanizam i upotrebu lokalnog zemljišta i Komisija za Statut i akte, i da su izvještaji dostupni gradskim vijećnicima.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, bez rasprave, **jednoglasno**, izjasnivši se sa 21 glasom „za“, bez glasova „protiv“ i bez „suzdržanih“ glasova prisutnih gradskih vijećnika (tri gradska vijećnika se nisu izjasnila) **usvojilo je Zaključak kojim se Nacrt Odluke o usvajanju Regulacionog plana „Zabrđe“ sa Nacrtom Odluke o provođenju Regulacionog plana „Zabrđe“ upućuje u javnu raspravu, a kako slijedi:**

1. Gradsko vijeće Grada Sarajeva je razmotrilo Nacrt Odluke o usvajanju Regulacionog plana „Zabrđe“, sa Nacrtom Odluke o provođenju Regulacionog plana „Zabrđe“ i iste upućuje na Javni uvid i Javnu raspravu u trajanju od 30 dana.
2. Subjekti u Javnoj raspravi su: Općina Novi Grad Sarajevo, Ministarstvo prostornog uređenja, građenja i zaštite okoliša Kantona Sarajevo, Ministarstvo saobraćaja Kantona Sarajevo, Zavod za planiranje razvoja Kantona Sarajevo, Zavod za izgradnju Kantona Sarajevo, Kantonalni zavod za zaštitu kulturno historijskog i prirodnog naslijeđa Sarajevo, komunalna i javna komunalna preduzeća, vlasnici i korisnici zemljišta, vjerske zajednice, potencijalni investitori i drugi zainteresirani subjekti koji iskažu svoj interes.
3. Zaključak, čiji sastavni dio je Nacrt Odluke o usvajanju Regulacionog plana „Zabrđe“, sa Nacrtom Odluke o provođenju Regulacionog plana „Zabrđe“, dostavlja se subjektima u Javnoj raspravi, a Nacrt Regulacionog plana „Zabrđe“ se stavlja na Javni uvid i Javnu raspravu.
4. Primjedbe, prijedlozi i sugestije iznesene u diskusijama radnih tijela Gradskog vijeća i gradskih vijećnika, iznesene na sjednici Gradskog vijeća prilikom razmatranja Nacrta Odluke o usvajanju Regulacionog plana „Zabrđe“ sa Nacrtom Odluke o provođenju Regulacionog plana „Zabrđe“, tretirat će se kao prilog Javnoj raspravi.
5. Za organizovanje i vođenje Javne rasprave određuje se Gradonačelnik Grada Sarajeva i Odbor za urbanizam i upotrebu lokalnog zemljišta Gradskog vijeća Grada Sarajeva.

Ad 15)

Informacija o aktivnostima Informativnog centra o Međunarodnom krivičnom sudu za bivšu Jugoslaviju Sarajevo u 2019. godini

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala Gradonačelnik, da je materijal razmatrao Odbor za društvene djelatnosti i da je izvještaj radnog tijela dostupan gradskim vijećnicima.

Predsjedavajući Gradskog vijeća Igor Gavrić je konstatovao da je Gradsko vijeće Grada Sarajeva **primilo k znanju Informaciju o aktivnostima Informativnog centra o Međunarodnom krivičnom sudu za bivšu Jugoslaviju Sarajevo u 2019. godini.**

Ad 16)

Informacija o projektnim aktivnostima i dobivenim projektima iz međunarodnih finansijskih institucija i linija

U uvodnim napomenama **Predsjedavajući Gradskog vijeća Igor Gavrić** podsjetio je gradske vijećnike da je predlagač materijala Gradonačelnik, da je materijal razmatrao Odbor za lokalni biznis i turizam i da je izvještaj radnog tijela dostupan gradskim vijećnicima.

Predsjedavajući Gradskog vijeća Igor Gavrić je konstatovao da je Gradsko vijeće Grada Sarajeva **primilo k znanju Informaciju o projektnim aktivnostima i dobivenim projektima iz međunarodnih finansijskih institucija i linija.**

Gradonačelnik Grada Sarajeva Abdulah Skaka uručio je predsjedavajućem Gradskog vijeća Igoru Gavriću Svečanu lentu, dok je Predsjedavajući Gradskog vijeća uručio Gradonačelniku i gradskim vijećnicima Orden Grada Sarajeva, koje se, u skladu sa Odlukom o Ključu Grada Sarajeva, Svečanost lenti i Ordenu Grada Sarajeva, nose u posebnim svečanim prilikama koje su vezane za predstavljanje Grada Sarajeva.

Gradski vijećnik Nuko Grebović se, u kraćem obraćanju, zahvalio Gradonačelniku i Predsjedavajućem Gradskog vijeća.

Ad 17)

Vijećnička pitanja i inicijative

1. **Gradski vijećnik Toni Vukadin** uputio je **inicijativu** da se izradi registar zaposlenih JP „Olimpijski bazen Otoka“ d.o.o. Sarajevo, JP „Sarajevo“ d.o.o. Sarajevo i organa uprave Grada Sarajeva i postavi na stranicu Grada.

Na poziv **Predsjedavajućeg Gradskog vijeća Igora Gavrića**, **Gradsko vijeće Grada Sarajeva**, izjasnivši se osam glasova „za“, četiri glasa „protiv“ i devet „suzdržanih“ glasova prisutnih gradskih vijećnika (dva gradska vijećnika se nisu izjasnila) **nije podržalo** inicijativu gradskog vijećnika Toni Vukadina i ona nije postala inicijativom Gradskog vijeća, te se kao inicijativa gradskog vijećnika upućuje Gradonačelniku i javnim preduzećima, na dalje postupanje.

2. **Gradski vijećnik Nihad Uk** uputio je **inicijativu** da Gradonačelnik i službe u 2020. godini krenu u izradu Strategije za razvoj kulture u Gradu Sarajevu.
3. **Gradski vijećnik Nihad Uk** uputio je **vijećničko pitanje** kako slijedi.
“Da li je Gradsko vijeće i kada ustupilo korištenje Bijele Tabije Javnom preduzeću “Sarajevo” d.o.o., koje naplaćuje ulaz na Bijelu Tabiju.”
4. **Gradski vijećnik Toni Vukadin** uputio je **inicijativu** kako slijedi.
“Da Grad Sarajevo pomogne Hodžić Safetu Hodži koji je bio najbolji sportista grada Sarajevo 1993. i 1994. godine. Bio je reprezentativac Bosne i Hercegovine u malom nogometu. Teško je bolestan od 2012. sa trombovima u nogama i začepljenjem krvnih sudova, pa da mu Uprava

Grada Sarajeva pomogne jednokratnom pomoći. Ako treba dodatna dokumentacija ja ću je dostaviti.”

5. **Gradski vijećnik Nuko Grebović** zatražio je da se Gradsko vijeće izjasni o **inicijativi** koju je uputio na 32. sjednici Gradskog vijeća Grada Sarajeva, održanoj 30.10.2019. godine, da se Fudbalskom klubu „Iskra“ Sarajevo izdvoji finansijska pomoć u iznosu od 5.000,00 KM.

O navedenoj inicijativi je potrebno da se izjasni Gradsko vijeće na narednoj sjednici.

6. **Gradski vijećnik Nuko Grebović** uputio je **inicijativu** da se povećaju sredstva u iznosu od 10.000,00 KM za kulturnu manifestaciju Balet Fest Sarajevo.

7. **Gradski vijećnik Nuko Grebović** uputio je **vijećničko pitanje**, kojim je zatražio informaciju za narednu sjednicu Gradskog vijeća, a kako slijedi.

“Dokle se stiglo sa aktivnostima oko izrade Amandmana na Ustav Kantona Sarajevo koji se odnose na lokalnu samoupravu i vraćanje ingerencija Gradu Sarajevu?”

8. **Gradski vijećnik Samir Fazlić** uputio je **inicijativu** da se dostavi informacija o službenim putovanjima gradskih vijećnika Grada Sarajeva od početka mandatnog perioda, na način da se već dostavljena informacija dopuni podacima o službenim putovanjima gradskih vijećnika za period koji nedostaje.

9. **Gradski vijećnik Samir Fazlić** uputio je vijećničko pitanje kakao slijedi.

“Molim nadležnu službu da mi dostavi koliko je do sada bilo vijećničkih pitanja vezanih za spisak zaposlenih u JP “Sarajevo”, te da se dostave odgovori koji su dati tom prilikom.”

10. **Gradski vijećnik Miro Lazović** uputio je **inicijativu** kako slijedi

“Volio bi da na idućoj sjednici, januarskoj, dobijem jednu cjelovitu informaciju o Kompleksu “B” na Marijin Dvoru odnosno dokle se došlo s tim kompleksom”.

11. **Gradski vijećnik Miro Lazović** uputio je **inicijativu** kako slijedi.

“Volio bi, s obzirom da sam imao juče priliku kod Predsjedavajućeg Gradskog vijeća vidjeti neke futurističke projekte kad je u pitanju lokacija Vaso Miskin Crni, brdo Žuč, na neki način da i Gradsko vijeće bude upoznato sa tim, te da, na neki način, Gradsko vijeće podrži te projekte”.

Predsjedavajući Gradskog vijeća Grada Sarajeva Igor Gavrić je zaključio rad 34. sjednice Gradskog vijeća Grada Sarajeva i čestitao Božić i Novu godinu.

Sjednica Gradskog vijeća Grada Sarajeva završena je u 13 sati i 56 minuta.

Sastavni dio ovog zapisnika je izvornik i tonski snimak o radu Gradskog vijeća Grada Sarajeva koji se čuvaju u Gradskoj službi za Gradsko vijeće.

*SEKRETAR GRADSKOG VIJEĆA
Safet Krajišnik, s.r.*

*PREDSJEDAVALJUĆI GRADSKOG VIJEĆA
Dr. Igor Gavrić, s.r.*